

0207

Новомученикам и исповедникам Российским

(в неделю ближайшую после 25 января)

Текст, принятый "карловчанами" Издательский отдел Московской епархии 2002 г.

Блажен муж: 1-й антифон.

На Господи, воззвах:

стихиры воскресны гласа и стихиры новомучеников, глас 5.

Подобен: «Радуйся Живоносный Кресте»:

1. Стих: Аще беззакония на́зриши, Го́споди, Го́споди, кто посто́йт?//
Яко у Тебе́ очище́ние е́сть.

Радуйтесь, новомученицы и исповедницы Росси́йстии, / православных удо́брение, / новозакланнии а́гнцы, / веры поборницы и хранителие, / ходатаи о нас к Богу непосты́днии, / в ле́та послéдняя / страданьми подражатели первым мучеником яв́истесь, / терпения столпи непоколеб́имии, // душам нашим испросите ве́лию ми́лость.

2. Стих: Имене ра́ди Твоего́ потерпéх Тя, Го́споди, потерпé душá моя́ в сло́во Твое́, // упová душá моя́ на Го́спода.

Радуйтесь, страсотёрпцы сла́внии, / стопáм последующе древних мученик, / веры ради подвизастесь твёрдо / в люта́я времена земли на́шея, / и ныне всех подвизаете к славе и хвалению Бо́га, / укрепльшаго ваше немощно́е естество́ / и обогатившаго вас дарованьми Ду́ха, // во спасение душ наших.

Глас и подобен тойже: Творение [святителя Афанасия Ковровскаго](#):

3. Стих: От стра́жи у́тренния до но́щи, от стра́жи у́тренния, // да уповаёт Изра́иль на Го́спода.

Приидите, Небеснии предстателие на́ши, к на́м, / ва́шего чающим милостивнаго посещéния, / и избавите озлобленныя мучительскими прещéнии / и лютаго неистовства неверных, / от нихже, яко пленницы и нази, гон́ими е́смы, / от ме́ста на место часто прехо́дяще / и заблуждающе в вертéпех и гора́х. / Ущедрите убо, прехва́льнии, / и даруйте нам осла́бу, / утолите бу́рю / и угасите еже на ны негодова́ние, / Бога моля́ще, // подающаго вами Земли нашей ве́лию ми́лость.

Ины стихиры новомучеником, глас 6.

Подобен: «Все отложше»:

4. Стих: Яко у Гóспода мѣлость, и мно́гое у Него́ избавлѣние, // и Той избáвит Израїля от всех беззакóний его́.

Святѣтелю отче Тихоне, архипастырю многострадáльне, / ты́ в годи-ну лютых безбожных гонѣний / верная чада Церкви Россійския, / утешая, призывáл еси́ / за Христа и веру Православную мужествен-не стояти, / сáм же, по вся дни умирая за пáству твою́, / исповедник непоколебимый явѣлся еси́. // Сего ради ты с любóвию прославляем.

5. Стих: Хвалите Гóспода вси язы́цы, // похвалите Его́ вси лю́дие.

Пáстырю ѱстинный / священномучениче Владѣмѣре, / егда́ беззаконнии по-нуждáху тѣ / Церкви Россійския отступѣти, / вѣрен делом и слóвом / свя-тѣтелю Тихону пребы́л еси / и, яко священная жертва, от Киева, матере гра-дов рúсских, / Бóгу принѣслся еси́, / моля́ся о убивáющих тѣ. // Сего ради ты усердно прославляем.

6. Стих: Яко утвердѣся мѣлость Его́ на нас, // и ѱстина Господня пребывáет во век.

Священномúчениче Вениамѣне, / Церкви Христовы истинный сы́не / и благо-стоянѣя Ея усердный ревнѣтелю, / противу лжепастырей, тщáщихся расхити-те ста́до твоѣ, / мúжественне стáл еси́ / и, не убо́явся прещенѣя и лжесвиде-тельств мучѣтелей, / обратил еси́ суд на главу судѣвших тѣ, / тáже смертию твоѣю / Правослáвие утвердѣл еси́. // Сего ради ты усердно ублажáем.

Слава, новомучеником, глас 5:

Всевышнѣй Владѣ́ко, / в Троице славимый и поклáняемый, / ущѣдри ны благоприятными мольбáми / нóвых мúченик Твоѣих, / пред мучи-тели дерзновенно исповѣдавших Тѣ, / Едѣного истиннаго Бóга, / и Твоѣ, Сыне Бóжий, / неизреченное от Матере Дѣвы // спасѣтельное воплощѣние.

И ныне, Богородичен.

Вход. Прокимен дне. И чтения новомучеником.

Деяний святых апóстол чтѣние. К Тимофѣю послáния святáго апóстола Пáвля чтѣние. Ко Еврѣем послáния святáго апóстола Пáвля чтѣние.